

Filou, 7j.



suechet es nöies Daheime mit Freigang

Liebi Tierfründe

Siit Dir Schwarze-Chatr-Fans? Ja? Denn bin ig bi da richtig. Ig muess Öich öppis erzälle, bi dr Filou u dringänd uf dr Suechi nach eme nöie Daheime. Warum? Ig wohne mit mim Brüetsch zäme, abr, itze chunnts: ig mag ihn nid, no nie. Ig versueche, ihn mit alleni Mittu z'vertriebe. Ig geh ihn scho ah u bisel mängisch i sys Chörbli. Nüt, er isch immr no da. Itze säg ig's ou mini Lüüt, u bisle mängisch i ihrene Sache. Sy heis iverschtande, itze suechet sy für mi es eigens Riich, das ig mit niemer muess teile. Drum!

Ig bi 7jährig, kaschtriert, gimpft, chippet, gsung, fit u muntr u (sunsch) schtuberein. Nur ebe we mi Brüetsch i di Nächi isch. Ig bi en ächte Freigeischt, ig bschtimme gärn, wann ig usse möcht, u bi ou sunsch sähr säubschtändig. Ig liebe min Freigang durch Törli, muess inne u usse chönne, wie u wenn ig es wott. Abr ig bi ou gärn dinne, eifach so bi mini Lüüt sy, bi chei Schtöinr. Schmüsele isch nid so ganz mis Ding, ha chei Geduud, immr anezhaute. Zum Schpiue chasch mi abr scho animiere, da geit öppis, das macht Schpass. U ig bi guet erzoge u höre uf min Name. We Du zum Biuschpiu heichommsch u mi tuesch rüefe, denn chomm ig aagflitzet u begrüesse Di. Du siesch, ig geh ou nid so wiit wäg. Muess doch höre, we Du tuesch heichomme. Ig chenn ou Ching und Hung, isch cheis Problem für mi. Nur e angeri Chatz, das wott ig nid im Daheime. Han ig ja scho grad, leidr, nei, merci.

Ig sueche es liebs Daheime aus Einzelprinz bi liebi Lüüt, die wo mir Freigang ir verchehrsarme Umgäbig chönnte biete, nid nur e Baukon. Wiese u en Garte wär tou. U chatzefründlechi Nachbare. Dörfte bi dene ou mou durch d'Garte düre? Bi immr nöigiirig, was so geit. Chasch Du mir so öppis biete? U hesch Du ou es Törli für mi? Ja? Das wärs! Denn müesset mir üs unbedingt lehre chenne. Ig wohne im Moment no z'Spiez/BE, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi uf Di!

Din Filou



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch